



Broj: 03/11,04/5-05-1-976/17
Sarajevo, 31.5.2017.

PREDMET: Informacija sa 63. proljetnog zasjedanja Parlamentarne skupštine NATO-a, održanog u Tbilisiju od 27. do 29.5.2017.

U radu 63. proljetnog zasjedanja Parlamentarne skupštine NATO-a, održanog u Tbilisiju od 27.5. do 29.5.2017., učestvovao je Nikola Lovrinović, predsjedavajući Delegacije Parlamentarne skupštine BiH u PSNATO-a.

27.5.2017.

Rad proljetnog zasjedanja PSNATO-a odvijao se prema utvrđenom planu. Prije početka rada komiteta održani su sastanci političkih grupacija Konzervativaca i Kršćanskih demokrata, Alijanse liberala i demokrata i grupacije Socijalista. Na pomenutim sastancima razmijenjena su mišljenja o temama koje su predviđene za raspravu tokom proljetnog zasjedanja.

Predsjedavajući Lovrinović učestvovao je u radu sjednice Komiteta za odbranu i sigurnost PSNATO-a, na kojoj su politički i vojni zvaničnici zemlje domaćina prezentovali prioritete u sektoru odbrane Republike Gruzije, te nacionalne i regionalne obrambene i sigurnosne izazove s kojima se suočava Vojska Republike Gruzije koja, kako je rečeno, sve uspješnije usvaja NATO standarde.

Tokom zasjedanja Komiteta za obranu i sigurnost PSNATO razgovarano je o brojnim aktuelnim svjetskim temama i događanjima. Posebno se razgovaralo o stanju u regionu Crnog mora, sigurnosnim izazovima i borbi protiv terorizma, saradnji NATO-a i Evropske unije nakon Samita NATO-a u Varšavi, kao i o saradnji NATO-a i Rusije.

28.5.2017.

Predsjedavajući Nikola Lovrinović učestvovao je u radu Komiteta za ekonomiju i sigurnost PSNATO-a gdje se raspravljalo o procjenama ekonomske tranzicije u regionu Zapadnog Balkana, koju je u formi prijedloga nacrtu pripremio izjestilac Potkomiteta za tranziciju i razvoj PSNATO-a Richard Benyon.

Nakon prezentacije ovog izvještaja sastanak su održale parlamentarne delegacije Bosne i Hercegovine, Srbije i Crne Gore te su konstatovale da je nacrt izvještaja Richarda Benyona neargumentovan i sa podacima koji ne odgovaraju aktuelnoj situaciji u regionu Zapadnog Balkana. Predložili su predsjedavajućem Komiteta Faiku Oztraku da se Izvještaj ažurira i prilagodi sadašnjem stanju i da se uporedi sa zvaničnim statističkim podacima. Direktor Komiteta Andrius Avious je preuzeo obavezu ažuriranja Izvještaja sa službama Međunarodnog sekretarijata PSNATO, te je zaključeno da se članovima Komiteta i delegacijama zemalja iz regiona 30 dana prije Godišnjeg zasjedanja PSNATO u Bukureštu dostavi novi tekst Nacrta izvještaja.

Na marginama zasjedanja predsjedavajući Lovrinović imao je radne susrete sa delegacijama Slovenije, Hrvatske, Srbije, kao i sa delegacijom Crne Gore, s kojom su razmijenjena mišljenja o predstojećem prijemu Crne Gore u NATO.

Predsjedavajući Delegacije Crne Gore u PSNATO Obrad Mišo Stanišić istakao je, tokom razgovora sa Lovrinovićem, saradnju dvije delegacije, kao i Komiteta za sigurnost i odbranu Skupštine Crne Gore i Zajedničke komisije za odbranu i sigurnost BiH kao primjer prijateljskih i dobrosusjedskih odnosa u regionu

29.5.2017.

Pozivom na dalje jačanje Antiterorističke koalicije u borbi protiv ISIL-a, te isticanjem potrebe jačanja saradnje zemalja članica u borbi protiv terorizma, kao i potrebe većeg izdvajanja sredstava za pomoć pogođenima u izbjegličkoj krizi, u glavnom gradu Gruzije Tbilisiju je završeno Proljetno zasjedanje Parlamentarne skupštine NATO-a (PSNATO).

Trodnevno zasjedanje, u čijem radu je učestvovao i predsjedavajući Delegacije Parlamentarne skupštine Bosne i Hercegovine u PSNATO Nikola Lovrinović, obilježila je rasprava o brojnim aktuelnim svjetskim temama i problemima.

PSNATO-a je pozvala na jačanje saradnje i partnerskih odnosa između Evropske unije i NATO-a, kao i na intenziviranje saradnje sa NATO-om u rješavanju brojnih otvorenih pitanja u MENA regionu, posebno u Siriji i Libiji.

Tokom plenarnog zasjedanja učesnicima Proljetnog zasjedanja su se obratili Paolo Alli, predsjedavajući PSNATO, Rose Gottemoeller, zamjenik generalnog sekretara NATO-a kao i zvaničnici Republike Gruzije: Irakli Kobakhidze, predsjednik Parlamenta, Giorgi Margvelashvili, predsjednik Gruzije, Giorgi Kvirikashvili, premijer Vlade Republike Gruzije.

Zvaničnici Gruzije su posebno istakli opredjeljenje svoje zemlje za članstvo u NATO, potrebu daljeg jačanja partnerske saradnje kroz programe koje nudi NATO. Istakli su i brojne unutrašnje probleme sa kojim se bore te probleme u bilateralnim odnosima sa Ruskom Federacijom, a koji se prije svega odnose na sadašnju situaciju na teritoriji Abhazije i južne Osetije.

Tokom plenarnog zasjedanja snažno je podržana Deklaracija kojom se Gruziji daje podrška na njenom euroatlantskom putu.

Na marginama zasjedanja u Tbilisiju, predsjedavajući Lovrinović imao je niz bilateralnih susreta sa članovima delegacija zemalja članica NATO-a. Tokom tih susreta razgovaralo se o potpori europskom i euroatlantskom putu Bosne i Hercegovine i, posebno, o podršci donošenju odluke o aktiviranju Akcionog plana za članstvo (MAP) Bosne i Hercegovine u NATO.

Informaciju sačinio:

Sekretar Delegacije
Željko Grubešić

PREDSJEDAVAJUĆI DELEGACIJE
Nikola Lovrinović

